

## Obrazloženje

Osnivači Udruženja ortopeda i traumatologa Bosne i Hercegovine, sa sjedištem u Banja Luci, ulica Slatinska broj 11, podnijeli su 15.10.2014. godine, zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktom broj: UP08-07-1-2234/14 od 23.10.2014. godine zatražilo ispravku i dopunu zahtjeva.

Podnosilac zahtjeva je podneskom od 21.11.2014. godine izvršio izmjenu naziva udruženja u Udruženje ortopeda i traumatologa u Bosni i Hercegovini, te izmijenio i dopunio zahtjev za upis u Registar udruženja i priložio slijedeću dokumentaciju: Zapisnik sa Osnivačke Skupštine Udruženja ortopeda i traumatologa u Bosni i Hercegovini od 20.09.2014. godine; Odluku o osnivanju Udruženja ortopeda i traumatologa u Bosni i Hercegovini, broj: 1/14 od 20.09.2014. godine sa potpisom svih osnivača i predsjednika Osnivačke Skupštine; Statut Udruženja ortopeda i traumatologa u Bosni i Hercegovini, broj: 2/14 od 20.09.2014. godine u dva primjerka; Odluku o imenovanju predsjednika Skupštine, broj: 4/14 od 20.09.2014. godine; Odluku o imenovanju članova Upravnog odbora, broj: 7/14 od 20.09.2014. godine; Odluku o imenovanju članova Nadzornog odbora, broj: 9/14 od 20.09.2014. godine; Odluku o imenovanju predsjednika Udruženja, broj: 5/14 od 20.09.2014. godine; Odluku o imenovanju generalnog sekretara, broj: 8/14 od 20.09.2014. godine; Odluku o imenovanju lica sa ovlaštenjem za zastupanje, broj: 10/14 od 20.09.2014. godine; ovjeren potpis lica ovlaštenih za zastupanje Udruženja s ovjerenim fotokopijama ličnih karata; Spisak osnivača Udruženja i ovjerene fotokopije ličnih karata članova Upravnog odbora Udruženja.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis u Registar Udruženja ortopeda i traumatologa u Bosni i Hercegovini kod Ministarstva pravde Bosne i Hercegovine, pa je doneseno Rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM, za upis u Registar udruženja u skladu sa članom 33. stav 2a. navedenog Pravilnika.

### Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

Dostavljeno:

- Udruženje ortopeda i traumatologa u Bosni i Hercegovini;  
Ulica Slatinska broj 11, 78 000 Banja Luka,
- s ovjerenim Statutom, broj: 2/14 od 20.09.2014. godine;
- Zbirka isprava;
- JP NIO "Službeni list BiH".

MINISTAR  
Bariša Čolak

